

১৫ আগষ্ট সকাল; প্রথম কয়েক ঘণ্টা

সকাল আনুমানিক ৬.৩০ ১৫ আগষ্ট ১৯৭৫; অন্য দিনের মতই স্কুলে (ইউ ল্যাব) যাওয়ার জন্য তৈরী হচ্ছিলাম। আজকে বঙ্গবন্ধুর ঢাকা ইউনিভার্সিটি পরিদর্শনের সময় আমাদের স্কুলেও কয়েক মিনিটের জন্য পরিদর্শনের কথা (রাসেলের বাবা হিসাবে)। বাসায় অন্যদিনের মতই রেডিও চলছিল। সকাল ৭ টার বাংলা খবর শুনা, আন্নার অনেক দিনের পুরানো অভ্যাস।

হটাৎ রেডিও'তে শুনলাম মেজর ডালিমের সেই কুখ্যাত ঘোষণা। মেজর ডালিমের সেই প্রথম ঘোষণায় কিন্তু বঙ্গবন্ধু'কে হত্যার কথা বলা হয় নাই, শুধু মাত্র সরকার উৎখাতের কথা বলা হয়েছিল। যদিও লে. কর্নেল এম. এ হামিদ তার বইয়ে এবং আরও কিছু লেখক, লিখেছেন মেজর ডালিমের হত্যার ঘোষণার কথা! আমার মতে এই সব ভুল তথ্যের কারন, তারা কেউই নিজের কানে মেজর ডালিমের সেই কুখ্যাত ঘোষণা শুনেন নাই। সকাল ৭ টার বাংলা খবরেই প্রথম আমরা প্রথম শুনতে পেলাম “রাষ্ট্রপতি সপরিবারে নিহত হয়েছেন”।

৭৫ এর পরবর্তী কয়েক বছর বঙ্গবন্ধু হত্যা প্রসঙ্গে কিছু প্রকাশ করা তো দূরে থাক, আলোচনা করাও অনেকটা নিষিদ্ধ ছিল। ১৯৭৮ সালের দিকে আমার হাতে আসে ১৫ আগষ্ট এর উপর প্রকাশিত প্রথম বই, “মিড নাইট ম্যাসাকার ইন ঢাকা”; যা তখন আমাদের দেশে নিষিদ্ধ ছিল। এই বইটি ভারত থেকে প্রকাশিত হয়েছিল এবং বেশ কিছু তথ্য ছিল। এর পর পরই ভারত থেকে প্রকাশিত হয়েছিল আরো একটি বই, “বিক্রমাদিত্যের ডায়েরী” যা আমার মতে স্রেফ কল্পনাপ্রসূত একটি রচনা।

তারপর আশির দশকে প্রকাশিত হয় বিদেশীদের লেখা “বাংলাদেশ, আ লেগেসি অফ ব্লাড” আর “আনফিনিসড রেভলুশ্যন” এর মত অনেক তথ্য সমৃদ্ধ বই। যা পরবর্তীকালে রেফারেন্স হিসাবে অনেক লেখকই ব্যবহার করেছেন। **নব্বই দশক'এ প্রকাশিত হয়, ১৫ আগষ্টে ঢাকা সেনানিবাসে গুরুত্বপূর্ণ পদে কর্মরত অনেক সেনা অফিসার রচিত তথ্যনির্ভর বিভিন্ন বই। এই বইগুলিতে ১৫ আগষ্ট এর ঘটনাপ্রবাহের বর্ণনা দেওয়া হয়েছে। এই বইগুলির মধ্যে উল্লেখযোগ্য হল;**

১। এক জেনারেলের নীরব সাক্ষ্য, স্বাধীনতার প্রথম দশক; মেজর জেনারেল মইনুল হোসেন চৌধুরী

২। বাংলাদেশঃ রক্তাক্ত অধ্যায় ১৯৭৫-৮১; ব্রিগেডিয়ার সাখাওয়াত হোসেন

৩। একাত্তরের মুক্তিযুদ্ধ রক্তাক্ত মধ্য-আগষ্ট ও ষড়যন্ত্রময় নভেম্বর, কর্নেল শাফায়াত জামিল

৪। তিনটি সেনা অভ্যুত্থান ও কিছু না বলা কথা; লে. কর্নেল এম. এ হামিদ

এই চারটি বইয়ের লেখকই ৭৫ এর ১৫ আগষ্ট ঢাকা সেনানিবাসে অবস্থান করছিলেন এবং গুরুত্বপূর্ণ পদে কর্মরত ছিলেন। আর একটা কারণ হচ্ছে এই চারজন অফিসারের কেউই এখন পর্যন্ত কোন রাজনৈতিক দলে যোগ দেন নাই। তাই তাদের ভাষ্য মোটামুটি নিরপেক্ষ ও বস্তুনিষ্ঠ বলে ধরে নেওয়া যেতে পারে শুধুমাত্র কিছু ব্যতিক্রম ব্যতীত।

এই ব্যতিক্রম এর মধ্যে লক্ষণীয় দিক হচ্ছে, লে. কর্নেল এম. এ হামিদ তার বইয়ে, তদানীন্তন ৪৬ ইনফ্যান্ট্রি ব্রিগেড কর্নেল শাফায়াত জামিল সম্পর্কে নিরবিচ্ছিন্নভাবে বিষদাগার করার চেষ্টা করেছেন। বিশেষত বঙ্গবন্ধু হত্যাকাণ্ড সংঘটিত হওয়ার পর পরই (সকাল ৬ টা থেকে দুপুর ১২ টা) খুনীদের বিরুদ্ধে কেন প্রতিরোধ তৈরী করা গেল না, সেই প্রশংগে। আমার মনে হয় এই ব্যাপারে বিশদ আলোচনা হওয়া প্রয়োজন।

লে. কর্নেল এম. এ হামিদ অনেকবার ঘুরিয়ে ফিরিয়ে কর্নেল শাফায়াত জামিল সম্পর্কে সন্দেহ সৃষ্টির আশ্রয় চেষ্টা চালিয়েছেন এবং তার এই চেষ্টার উদ্দেশ্য ছিল প্রধানত দুইটি। এক, কর্নেল শাফায়াত জামিল এই হত্যাকাণ্ডের সময় রহস্যজনকভাবে (!) নিষ্ক্রিয় ছিলেন; দুই ১৫ আগষ্ট সকালে তিনি প্রতিরোধ গড়ে তুলতে ব্যর্থ হয়েছিলেন কারণ তিনি আপোষকারী ছিলেন!!

সত্যের সন্ধানেঃ এই প্রশ্নগুলি আমার মত অনেকের মাথায় ঘুরপাক খাচ্ছে গত বেশ কয়েক বছর ধরে। তাই ১৫ আগষ্ট সকালে ৪৬ ইনফ্যান্ট্রি ব্রিগেড হেডকোয়ার্টার এর সাথে জড়িত সব তথ্য নিয়ে আমি আমার গবেষণা শুরু করি। লে. কর্নেল এম. এ হামিদ এর বক্তব্যের সর্মথনে কোন বক্তব্যই আমি অন্য কারো ভাষ্যে খুঁজে পাই নাই। বরং তৎকালীন ব্রিগেড মেজর, পরবর্তীতে ব্রিগেডিয়ার সাখাওয়াত হোসেন এর বক্তব্যে আমরা দেখতে পাই শাফায়াত জামিল এর সত্যিকারের অবস্থান।

তাই লে. কর্নেল এম. এ হামিদ এর বক্তব্যের নির্ভরযোগ্যতা নিয়ে আমার মনে যথেষ্ট সন্দেহের উদ্বেক হয়। আমি আমার পরিচিত সেনাবাহিনীর গুরুত্বপূর্ণ পদে বর্তমানে ও অতীতে কর্মরত অনেক সিনিয়ার অফিসারদের কাছে জানতে চেয়েছিলাম যে ১৫ আগষ্ট সকাল ৬ টার সময় (আনুমানিক) ঘটনা জানার পর শাফায়াত জামিল এর একার পক্ষে কিছু করা সম্ভব ছিল কি না?

সবারই অভিন্ন মতামত ছিল, যে কোন ইউনিট'কে শান্তি অবস্থা থেকে যুদ্ধাবস্থা'য় প্রস্তুত করতে কমপক্ষে দুইঘন্টা সময় প্রয়োজন। একই সাথে সেই সকালে কর্নেল ফারুকের নেতৃত্বে বেশ কয়েকটি ট্যাংক ৪৬ ইনফ্যান্ট্রি ব্রিগেড হেডকোয়ার্টার এর সামনে অবস্থান নিয়ে ফেলেছিল। একইসাথে পাকিস্তান প্রত্যাগত অফিসার ও সৈনিক'দের মধ্যে কয়েকজন বাদে প্রায় সকলেই এই অভ্যুত্থানের পক্ষে ছিলেন।

সেই সকালে আমি চিফ সফিউল্লাহ ছিলেন হতবুদ্ধি, ডেপুটি চিফ জিয়া'র অবস্থান ছিল, ধরি মাছ, না ছুই পানি! সেই মুহূর্তে কে শত্রু, কে মিত্র তা সত্যি বুঝার কোন উপায় ছিল না। ধীর-স্থির ও সবচেয়ে কুশলী বলে সমাধিক পরিচিত, সি জি এস, খালেদ মোশাররফের ভাষায়ও পরিস্থিতি ছিল 'সম্পূর্ণ ঘোলাটে'।

পরবর্তীতে ঘটনা প্রবাহে খালেদ মোশাররফের ধারণাই যে সঠিক তা প্রমানিত হয়েছিল, খালেদ-শাফায়েত এর নিজস্ব ইউনিট বলে পরিচিত ৪ বেঙ্গলের কমান্ডিং অফিসার কর্নেল আমিনুল হক ছিলেন প্রকৃতপক্ষে জিয়ার প্রতি অনুগত। ৭ নভেম্বরের পর কর্নেল আমিনুল হক পদন্নতি পেয়ে ৪৬ ইনফ্যান্ট্রি ব্রিগেড কমান্ডার হিসাবে নিযুক্ত হন। তাই সেই মুহূর্তে ব্রিগেড কমান্ডার শাফায়াত জামিলের একার পক্ষে, শুধু মাত্র দুইটি ইনফ্যান্ট্রি ইউনিট নিয়ে, এয়ার সাপোর্ট ছাড়া, ট্যাংক ও আর্টিলারীর মুখোমুখি হওয়াটা হত, চরম বোকামি ও আত্মহত্যার'ই শামিল।

ব্রিগেড মেজর, পরবর্তীতে ব্রিগেডিয়ার সাখাওয়াত হোসেন এর মতে "ব্রিগেড কমান্ডার শাফায়াত জামিল কোন সময়ই এই হত্যাকাণ্ড মেনে নিতে পারেন নাই"। শুধু মাত্র সঠিক সময়ের অপেক্ষায় ছিলেন। পরবর্তীতে ৩রা নভেম্বরের পালটা অভ্যুত্থানের মূল চালিকা শক্তি হিসাবেই শাফায়াত জামিল তা প্রমান করে দেন।

ব্রিগেড কমান্ডার শাফায়াত জামিলের অবস্থান সম্পর্কে সাখাওয়াত হোসেন এর এই বক্তব্য যে কত নির্ভুল ছিল তার সবচেয়ে বড় প্রমান হচ্ছে, খুনী ফারুক, রশীদ, ডালিম গং এই পররয়ন্ত প্রকাশিত প্রতিটি সাক্ষাতকার বা বক্তব্যে কর্নেল শাফায়াত জামিল'কে অন্ধ মুজিব ভক্ত, একরোখা, আনকম্প্রোমাইজিং বলে অখ্যায়িত করেছেন।

১৫ আগস্টে ৪৬ ইনফ্যান্ট্রি ব্রিগেড'এ কর্মরত ক্যাপ্টেন নজরুল, বীর প্রতীক (পরবর্তীতে কর্নেল নজরুল) এর মতে কর্নেল শাফায়াত জামিল চাইলেই ৩রা নভেম্বর ক্ষমতা দখল করতে পারতেন, কিন্তু তিনি সংবিধান পুনঃপ্রতিষ্ঠা করতেই আগ্রহী ছিলেন।

১৫ আগস্টে যখন বঙ্গবন্ধুর দীর্ঘদিনের রাজনৈতিক সহকর্মীরা খুনী মোস্তাকের মন্ত্রীসভায় যোগ দেয় তখন খুনী ফারুক, রশীদ, ডালিম গং এর পক্ষে শাফায়াত জামিল'কে অন্ধ মুজিব ভক্ত, একরোখা বলে মনে করাটাই স্বাভাবিক। বীর মুক্তিযোদ্ধা শাফায়াত জামিল বীর বিক্রম, ঢাকা ইউনিভার্সিটিতে ছাত্রাবস্থায় ছিলেন ছাত্র ইউনিয়নের সর্মথক ছিলেন এবং ফজলুল হক হলের সাংস্কৃতিক সম্পাদক পদে নির্বাচনে প্রতিদ্বন্দ্বিতাও করেছিলেন।

১৫ আগষ্ট সকালে সামরিক গোয়েন্দাদের ব্যর্থতার(!) ফলে (যার মূল দায়িত্বে ছিলেন, পাকিস্তান প্রত্যাগত অফিসারগন) সময়মত কোন প্রতিরোধ গড়ে তোলা সম্ভব হয় নাই, এটাই নির্মম সত্য। সংগঠিত ট্যাংক ও আটিলারী বাহিনীর বিরুদ্ধে প্রতিরোধ গড়ে তোলার জন্য যে নূন্যতম সময়ের প্রয়োজন তা ৪৬ ইনফ্যান্ট্রি ব্রিগেডের হাতে ছিল না।

পাদটীকাঃ পাকিস্তানে সাবেক প্রেসিডেন্ট পারভেজ মোশাররফ ছিলেন, শাফায়াত জামিল এর কোর্সমেইট। খালেদ মোশাররফ ছিলেন ঢাকা কলেজ ছাত্র সংসদে ছাত্রলীগের পক্ষে নির্বাচিত সাহিত্য ও সাংস্কৃতিক সম্পাদক। সেই সংসদে ভি পি ছিলেন, শাহ মোয়াজ্জেম হোসেন ও জি, এস ছিলেন মওদুদ আহমেদ! তাই বোধহয় খালেদ মোশাররফ বলেছিলেন, পরিস্থিতি সম্পূর্ণ ঘোলাটে, কে শত্রু কে মিত্র বলা মুশকিল!

তথ্যসূত্রঃ

- ১। এক জেনারেলের নীরব সাক্ষ্য, স্বাধীনতার প্রথম দশক; মেজর জেনারেল মইনুল হোসেন চৌধুরী
- ২। বাংলাদেশঃ রক্তাক্ত অধ্যায় ১৯৭৫-৮১; ব্রিগেডিয়ার সাখাওয়াত হোসেন
- ৩। একাত্তরের মুক্তিযুদ্ধ রক্তাক্ত মধ্য-আগষ্ট ও ষড়যন্ত্রময় নভেম্বর, কর্নেল শাফায়াত জামিল
- ৪। তিনটি সেনা অভ্যুত্থান ও কিছু না বলা কথা; লে. কর্নেল এম. এ হামিদ
- ৫। বাংলাদেশঃ আ লেগেসী অফ ব্লাড; এহ্নী ম্যাসকারেহাল
- ৬। বাংলাদেশঃ দ্য আনফিনিসড রেভ্যুলেশান; লরেন্স লিফসুল্যজ
- ৭। বঙ্গবন্ধু হত্যাঃ ফ্যাক্টস এন্ড ডকুমেন্টস; অধ্যাপক আবু সাইয়িদ